


中華民國廿五年六月

石埭縣志稿表

大事



MG  
k275.44

1/2



3 1764 5586 7

# 安徽石埭縣志稿大事表

邑人 倪文頌 蘇緯 之 編訂  
民國二十五年三月

太史公作史記。於紀傳外。刪繁撮要。列爲十表。以概括之。所以便瀏覽也。我石埭自秦始皇郡縣天下。至漢始置縣。茲略師表例。就史之可考及事之有徵者。自漢迄今。以事爲經。以年爲緯。使本縣之政治沿革。人文盛衰。於以約略可觀。埭本巖邑。地瘠人稀。雖不著於世。而傑出之士。亦代有其人。隋之左難當。唐之桂仲武。宋之丁黼王鑑。明之畢鏘。清之周太谷楊仁山。皆其最著者。曾文正公有石埭多君子之語。願邑人自茲而後。保存其正直耿忠之秉賦。發揮其奇瑰浩博之學說。以繼往開來也。編者作此。遺漏舛誤。在所不免。邑之賢達。多所匡正。俾成信史。尤所欣企。

漢

武帝

元封二年(壬申)

元封年間

始析涇縣西境地。置縣於陵陽山麓。曰陵陽縣。卽今之石埭也。  
屬丹陽郡。封劉嘉爲陵陽侯。

竇子明。號伯玉。沛國鉅縣人。爲本縣令。獲白魚。剖之得方書

石埭縣志稿大事表

一

。明服食之法。遂以石爲竈具。采五石脂以益烹煉。三年丹成。於中元日上昇。事見劉向列仙傳。

### 光武

建武三十年(甲寅)

丁琳徙封陵陽侯。子鴻襲。

### 獻帝

建安三年(戊寅)

冬十二月曹操殺呂布。以孫策爲討逆將軍。封吳侯。策自將討祖郎於陵陽。禽之。

建安二十一年(丙申)

鄱陽民尤突受曹操印綬。化民爲賊。陵陽、始安、涇縣皆與突相應。賀齊陸遜討破突。丹陽三縣皆降。封周泰爲陵陽侯。泰卒子邵襲。邵卒弟承襲。

### 三國

吳赤烏中

置石埭縣。以縣西有三巨石。曰頭埭、中埭、三埭、皆橫臥溪中。鎮漣溪、鴻陵溪、管溪三水。不通舟楫。故名。

### 晉

### 武帝

大康二年(辛丑)

本縣屬宣城郡。

成 帝

咸康四年(戊戌)

避杜后諱陵。改陵陽爲廣陽。

梁

武 帝

大同十年(甲子)

以場置石埭縣(按石埭在漢爲陵陽。在晉改名廣陽。隋始省入涇縣。則梁時廣陽未廢。不應更立石埭。舊志據南畿志謂本漢陵陽、石埭、涇縣地。三國吳置石埭場。梁因置縣。隋省入南陵。恐有誤)。

隋

文 帝

開皇九年(己酉)

廢宣城郡。置宣州。石埭省入涇縣。(文碩按舊志作省入南陵秋浦。查隋書地理志。宣城郡統縣六。又在涇之下。註云「平陳省安吳南陽二縣入焉。有蓋山陵陽山。」等語。而蓋山陵陽山。現均屬石埭。其稱廣陽爲南陽者。當爲煬帝時避諱之改名。而隋書

仍之。則當時應爲省入涇縣矣。再查平陳之年。爲開皇九年正月。共得州三十。郡一百。縣三百。故書其年於此。

### 煬 帝

大業九年(癸酉)

民苦隋政暴虐。績溪汪華聞杜伏威竇建德爲亂。亦起兵逐宣、歙、徽、嚴、婺、饒等六州牧而據其地。時埭屬宣。今縣東三里之華村。卽記念華之名者。或曰華村。卽歙州城也。

大業十三年(丁丑)

境內盜起。人不自保。汪華死。衆推左難當據涇。號總管。鎮其地。難當與竇建德決勝。束草穰放置中流制敵。遂號溪曰穰溪。復築城兩重於陵陽山前。衆以其有功猷。號曰猷州。

### 唐

### 高 祖

武德初

武德三年(庚辰)

武德六年(癸未)

左難當以地歸猷。

復置安吳南陽二縣。置猷州於縣東三里之華村，八年廢。

詔授左難當宣城大都督九州刺史宣滬二司節度使。封戴國公。食邑三千戶。十一月舒州總管張鎮州擊輔公祏將陳當世於猷州之黃

武德七年(甲申)

沙，大破之。

二月輔公祏遣兵猷州，刺史左難當嬰城自守，安撫使李大亮引兵破公祏，壬子行軍副總管權文誕破公祏之黨于猷州，拔其枚洄等四鎮。

## 太宗

貞觀十三年(己亥)

三月左難當薨。敕葬本鄉松子嶺。今改屬太平縣地。

貞觀十四年(庚子)

左難當子紹齊加都督。襲戴國公。孫仲明官都督。襲父爵。

## 武后

垂拱三年(丁亥)

宣州申奏左氏祖墓有紫氣。

神龍元年(乙巳)

削左氏爵。左難當第三子紹本裔居石埭。

## 玄宗

開元初

敕州縣鄉置一學。擇師教授。杉山國清禪師有戒行。屢詔入朝。不赴。因割三鄉稅租以贍僧衆。置倉輸納。至今地名貢口。溪名貢溪。

天寶年間

詔訪海內名山福地。石埭得列在內。故敕於陵陽山建仙壇宮。

代宗

永泰二年(丙午)

元和郡縣志載。是年洪府都督李勉。奏割秋浦、青陽、涇三縣於吳所置陵陽城。置石埭縣。(文碩按代宗永泰元年爲乙巳。翌年丙午。卽改元大曆。不當有永泰二年。故張士範池州府志作永泰元年)並置池州。石埭屬焉。

穆宗

長慶中

邑人七里桂仲武立平寇功。爲福建團練使。營管經畧。或云爲邕州觀察使。又爲安南都護。

文宗

太和六年(壬子)

桂仲武薨於閩。劉禹錫有文祭之。

懿宗

咸通年間

沈輅任本縣令。遂家於石埭。

僖宗

乾符六年(己亥)

黃巢陷宣、歙、池等州。宣池刺史查岳。字具瞻。守宣池二郡。力拒黃巢。及涇川敗績。闔門義死。本縣七都查城里。爲岳駐節

中和元年(辛丑)  
光啓二年(丙午)

地。諸沈聚族。賴以保障。曾立忠惠祠祀之。至今甲子嶺名卸甲嶺者。相傳卽鬻拒黃巢於此卸甲。故名。

賊王仲隱自秋浦之赤嶺寇祁門。赤嶺今隸石埭。爲通祁門要道。當黃巢作亂時。兵據黃村阪。邑人桂盛在七里作礮礮路。與里人設險禦之。女爲金釵。遇賊不屈。投井殉節。至今猶名金釵井。(姚志載。和州戴移孝考云。礮礮路在七里。爲故縣北門。晉宋六朝。北道在大溪之東。車馬交通。從秋浦達池州。由黃溢至樅陽。皆此一衣帶水。唐僖宗光啓二年。黃巢作亂。里人桂盛恐東道易於馳突。改道從西。憑險可固。上峭壁。下急湍。旅人側足而過。)

## 昭宗

大順二年(辛亥)  
景福元年(壬子)  
景福二年(癸丑)

邑人杜荀鶴試進士。

孫孺屯陵陽。楊行密擊走之。

邑人杜荀鶴登榜眼。官至翰林學士知制誥。

## 五代



年代待考

西峯祖師童年雜髮南安崇明寺。卽著靈異。後至蓮花峯及杉山。隨地卓錫湧泉。便民灌溉。至今遇旱。人民猶奉迎祖師祈雨。  
(據舊志載八九都赤嶺口之西峯庵。係宋朝西峯祖師開建云。當在宋初之時。)

宋

本縣設知縣及尉各一人。餘無考。自京朝幕官而出者。則稱知縣。餘仍稱縣令。

太祖

開寶七年(甲戌)

取池州。以昇州之銅陵青陽並屬之。先是南唐時升池州爲康化軍。轄貴池建德石埭三縣。尋復爲池州。

太宗

太平興國三年(戊寅)

東流縣原屬江州。至是改隸於池州。州又隸於江東路。

太平興國五年(庚辰)

縣治西三里萬春山建崇壽寺。後遷於縣西門。改爲祝聖道場。南安崇明寺金城山開福寺均賜額。

淳化元年(庚寅)

邑人左嘉善(左難當第十六世孫)以鄉貢士辟爲御史。

淳化五年(甲午)

邑人左竭忠(左難當第十七世孫)薦鄉舉。歷任汝南知縣。

真宗

咸平二年(己亥)

仁宗

慶曆初

皇祐四年(壬辰)

英宗

治平元年(甲辰)

神宗

年待考

熙寧八年(乙卯)

哲宗

元祐九年(甲戌)

高宗

邑人左觀國授諫議大夫。

始詔天下州縣皆立學。由是歷代相沿不廢。

遷萬春山崇壽寺於西門之迎恩橋爲祝聖道場。並賜額焉。卽今之孔廟址。

八九都福慶寺。十一二都明覺寺。饒益寺。均賜額。

邑人華村孫茂恭仕於朝。一門同仕者十八人。

大旱。八月城內楊家井成。井欄上有陳仕會篆文。今猶存。

僧處評在蓮花峯頂。開山建海獅庵。至致和末年。琳宮燿燦，設像端嚴。

建炎二年(戊申)

宜興人沃彥以鄉貢進士任本縣令。

紹興元年(辛亥)

邑人桂宗振修道於金城洞。煉氣服食。端坐而化。清香滿野。

紹興八年(戊午)

邑人王鑑登進士。仕至右司員外郎。兼直學士院侍講。

紹興十七年(丁卯)

邑人王漑(鑑長子)登進士。仕至朝奉大夫。成都轉運判官。敕

賜舒姑廟額爲顯濟。在縣南二十里古涎溪之旁。蓋山之下。先是前漢蓋山之下。有舒氏三女。遇桃從澗出，分食之。忽坐化。其母爲絃歌招魂。有朱鯉一雙。游泳來迎。故名化鯉溪。並更涎溪爲舒溪。

年待考

邑人三都駝山夏賢貴位至大將軍。居京師。敕於里居迎恩橋建第(卽今城內夏家巷)。夏氏世居蓋山之下。橋梁園館。甲於一時。

卽今之夏村。

## 孝宗

淳熙十四年(丁未)

邑人丁黼登進士。(文碩考舊縣志以是年爲乙酉。茲從辭源之附錄作丁未)文碩又考黃宗羲著宋元學案列丁黼爲徐誼門人。於卷六十一徐陳諸儒學案中謂。黼大父執中。徐州人。南渡後。徐爲

## 寧宗

嘉定七年(甲戌)

嘉定十六年(癸未)

戰地。卜居青陽。尋遷石埭。父泰亨。宿儒也。自教之。黼氣疎神悟。誦言觀行。遂爲徐文忠門下第一。忠肝義胆。霜明玉潔。足以廉頑立懦。真端人也等語。此爲宋史及縣志所闕略。省志稿列傳已據以訂正。特補記于此。

邑人桂大受登進士。

邑人丁黼被召赴行在。累官軍器監。數上封事。言大臣不法事。累進累蹶。以直祕閣知信州吉州。皆有聲。真德秀爲江西巡撫。薦之。詔遷提刑。尋充四川夔州路安撫使兼知夔州。時崔菊坡方帥四川。聞黼至。喜贈詩。所謂同志晨星少孤雲暮雨多者也。黼蒞夔。疏上十事。夔大治。乃以右文殿修撰充廣西副制置使。守靜江。

## 理宗

寶慶二年(丙戌)

邑人貢溪桂大受授迪功郎。後復爲本縣尉(張士範池州府志作寶慶三年)。遂遷縣治於七里。以四面皆山。故不立城郭。因掘珠

端平三年(丙申)

嶺爲東門。南山爲南門。處嶺爲西門。礪瘳路爲北門。越六年致仕。後任復遷縣治于陵陽山之下。

邑人丁黼爲四川制置使兼公部侍郎。殉難於成都府。(文碩考宋史列傳忠義九及宋元學案均作嘉熙三年。與後贈諡立廟年代不符。史有誤。)

嘉熙元年(丁酉)

詔贈丁黼光祿大夫顯謨閣大學士。諡恭愍。卽鄉邑立廟祀之。桂大受卒。葬蛾眉山。卽宅下。

嘉熙二年(戊戌)

五月丁恭愍公祠落成於山川壇之東。賜額曰褒忠。其子姪輩一時皆仕於朝。明嘉靖十八年。丁瑄始遷祠于四都故居。時祠內附有丁公書院。(祠碑記)

開慶元年(己未)

邑人楊綱登進士。仕至四川成都府知府。

景定五年(甲子)

東流縣進士章文子捨鐘一口於掘珠嶺饒益寺。今存。

元

縣設宣差一員。卽「達魯花赤」。以蒙古人任之。號爲監邑。主掌印務。又縣尹一員。漢人任之。號爲司判正官。掌縣事。又教諭一員。餘無考。

世祖

至元二年(乙丑)

至元十四年(丁丑)

### 成宗

大德四年(庚子)

### 英宗

至治元年(辛酉)

### 順宗

至正十一年(辛卯)

至正十二年(壬辰)

至正十三年(癸巳)

(卽宋度宗咸淳元年)軍兵營寨於海獅。議毀寺。里人湯致政輸錢三十貫(時每貫值銀一兩四錢二分八厘六)得免。(海獅古蹟碑)改池州爲池州路總管府。屬江浙行中書省江南道宣慰司。

忻都任石埭達魯花赤。時承舊制。歲輸秋苗二萬八千担解府。上山阪。所費不貲。忻都請於當道。改爲輕齋。民便之。立宣化碑以頌德。

邑人儲礪登進士。授贛州倅。

十一月趙普勝周驢等據池陽太平諸郡。江西省平章政事星吉募兵趨銅陵克之。擒周驢。遂復池州。分兵攻石埭諸縣。

縣衙內製錦亭懷仙樓等均燬於兵。

三月十八日黑氣亙天。風雷大作。雨物若果核。閏月復雨。郡中爲甚。青陽次之。本邑又次之。剖其實食之似松仁。時紅巾賊寇

池州。郡邑受害之慘。其甚與不甚。猶雨核之狀。咸以爲上天示警之驗。

至正十七年(丁酉) 明祖以池州尙未攻克。將石埭權隸宣州。

至正十八年(戊戌) 二月李文忠進取青陽、石埭、太平、旌德皆下之。四月紅巾賊陳友諒寇池州。俞通海尋復池州。趙德勝略石埭。擒友諒將錢清。

至正十九年(己亥) 三月陳友諒遣將寇甯國太平縣。明胡維庸等擊敗之。復寇青陽石埭。張德勝戰走之。

至正廿一年(辛丑) 明祖平池饒。十月以石埭屬池州。改池州路爲池州府(八月改九華府嗣復稱池州)。編戶一十三里。維時二都境鼓山東隴。凡竹葉皆生白鹽。居民每日拭取食之。陵陽山下有泉一竅。湧出田中。味甚鹹。居民煎成鹽。至今猶以鹽蕩坵名田。

至正廿四年(甲辰) 明祖稱吳王。邑人一都胡慶以百戶從征。屢著戰功。授江南都指揮使。鎮守石埭縣。食邑三千戶。保障一方。

明初年待考 七里地屬僞漢。明祖遣將劉謙討之。邑人桂一季率鄉兵爲先鋒。戰死。贈衢銳舍人。

明

本縣設知縣。縣丞（後裁）。主簿（裁革，成化十九年知府常顯奏復。嘉靖十年仍裁。）。典史。儒學教授各一員。訓導二員（正德年汰存一員。後復）。廩膳增廣生各二十名。附學不置額。陰陽學訓科（陰陽生六名）。醫學訓科（醫生一名）。僧會司僧會、道會司道會各一人。吏戶禮兵刑工各司吏一人。典史一人。承發司典史一人。儒學司吏一人。

## 太祖

洪武元年（戊申）

陳霖任本縣知縣。時學宮因元末經兵燹不存。續建之。八月建南京。罷行中書省。本府直隸南京省。

洪武三年（庚戌）

知縣陳霖創建察院行臺於紫薇坊東。

洪武五年（壬子）

知縣尹安甃砌街衢。疏通溝道。建立坊巷。民始復業。先是城內因兵燹。守禦官盡將街磚揭砌牆垣。人民離散。自是相繼區畫。本城爲大街者二。小巷者十五。復有沿溪街市。貨客貿易頓盛。察院落成。續建學宮堂齋門廊。復建城隍廟。遷顯濟廟於金城山麓。今爲三聖祠。明清二代。每歲九月九日致祭。列祀典焉。

洪武六年（癸丑）

知縣尹安創建府館三間於縣急遞舖之西。

洪武十四年（辛酉）

秋大水壞民田。



洪武十九年(丙寅)

先是在縣治東有三皇廟。以醫學立。至是廢。

洪武廿三年(庚午)

一都谷璠領鄉薦。官至知州。

洪武(末年)

知縣孟常。一意撫字。祀名宦。

### 成祖

永樂三年(乙酉)

坊市陳琳領鄉薦。

永樂五年(丁亥)

十月十五日帝因仁孝皇后崩逝。諭天下僧衆赴會。本縣掘珠嶺饒

永樂六年(戊子)

益寺僧興焉。

永樂二十一年(癸卯)

十一都胡寬領鄉薦。官至興國知州。

### 英宗

正統九年(甲子)

二都章程領鄉薦。官至常德府學教授。

敕旌四都楊時遇上五都方守仁爲義民。先是邑大饑。守仁出穀二千五百石。時遇出穀一千五百石助振。有司以聞。賜敕獎勵。

### 景宗

景泰七年(丙子)

坊市陳廷節領鄉薦。

天順三年(己卯)

二都章廷珪領鄉薦。

## 憲宗

成化元年(丁酉)

成化二年(丙戌)

成化七年(辛卯)

一都李廷璋領鄉薦。

李廷璋登進士。官至雲南按察司副使。

八九都吳必顯領鄉薦。知縣徐旻去年到任。修葺學宮，今成。

殿廡門牆。堂齋號舍。煥然一新。旻在任九年。邑人曾立忠良祠與尹安同祀焉。

成化十九年(癸卯)

成化二十年(甲辰)

成化二十二年(丙午)

成化二十三年(丁未)

大旱。

大旱饑。知縣蕭環來任事。

十二都張輝領鄉薦。

吳必顯登進士。官至長沙知府。今年於城子山前創建紫潭書院。

知縣蕭環因治南民田連兩旱不秋。乃於洪口築堰一處。鑿溝約三里。兼濬舊溝。交流上下。民賴其利。至今以蕭侯名陂。

## 孝宗

弘治元年(戊申)

歲大饑。先是本縣原有縣前急遞舖。及博山急遞舖(在琉璃嶺博古橋下)。知縣蕭環詳准增設夏村與舊口兩急遞舖舍。以速郵傳。

。均於三年建成。

弘治三年(己酉)

邑人李宅與孫祥建柳村石橋。後爲溪水衝圯。今猶僅架木橋。

弘治四年(庚戌)

張輝登進士。官至福建按察司簽事。

弘治五年(辛亥)

知縣蕭環因祈城隍求雨驅虎均有驗。於廟內建感應亭一所。

弘治九年(丙辰)

大水出蛟。壞民田廬。

## 武 帝

正德五年(庚午)

坊市陳續領鄉薦。官至武昌府同知。

正德六年(辛未)

歲大有。

正德七年(壬申)

夏。流賊劉七劫掠江中。邑人震恐。已而有土寇之變。無辜罹殺戮者甚衆。先是三年前曾有彗星見於西方。冬間。訛言雞犬爲祟。

。屠之殆盡。

正德八年(癸酉)

坊市陳永芳領鄉薦。

正德十一年(丙子)

二都章琥領鄉薦。官至北京國子監學錄。

正德十四年(己卯)

宸濠犯安慶。江洋騷動。邑有勤王之役。旋即罷之。

## 世 宗

嘉靖二年(甲申)

邑人陳琢翰資協建政通橋。橋在琉璃嶺下之夾溪。舊名夾溪橋。原址當水勢之衝。易以崩圮。至是遷於上流石壁間。卽今之博古橋。民國廿四年築省屯公路折橋改建。

嘉靖五年(丙戌)

二月申明鄉約。先是洪武禮制。每里設立里社壇場一所。就查本處淫祠寺觀。毀改爲之。每里設里長一人。於春秋二社。讀抑強扶弱之約文。於里內選有齒德者一人爲約正。有德行者二人副之。依鄉約置戶籍二扇。或善或惡。各書一扇。月朔一會。是爲鄉約公所。清代仍之。惟名存實亡。已失真意。

嘉靖十年(辛卯)

十二月。桃李華。雷鳴。

嘉靖十一年(壬辰)

夏飛蝗入境。遮蔽天日。傷禾稼。

嘉靖十四年(乙未)

遷儒學於西門外崇壽寺(卽祝聖寺)暨文孝五顯二廟址。並卽以舊學建寺。

嘉靖十五年(丙申)

天童和尚來杉山。戒行精嚴。從遊者衆。

嘉靖十九年(庚子)

七月朔。日食無光。六畜驚走。漸暝如黑夜。行人莫辨。久之始復圓。

嘉靖二十年(辛丑)

先是社學在城隍廟左。設教讀一人。今改建縣南舊學明倫堂後。

知府何實卿修府志。更學名曰長林書院。

嘉靖二十二年(癸卯)

坊市蘇檢、一都畢鏘領鄉薦。

嘉靖二十三年(甲辰)

畢鏘登進士第五名。大旱。自四月不雨至六月始雨。十二月雷電。

嘉靖二十四年(乙巳)

春大饑。夏又大旱。民益饑死。

嘉靖二十五年(丙午)

春多雨。夏大饑。秋僅熟。八九都歷山竹生實。可萬石。民皆爲食。有星自西南半空流墜有聲。火焰散碎入地。春杉山天童和尚先期三日下山辭檀越。返山別僧衆。沐浴跌坐而化。

嘉靖二十六年(丁未)

本縣於成化年間始創縣志。至是重修。

嘉靖三十一年(壬子)

坊市陳遠見、七都沈宗杲、十二都彭時中同領鄉薦。

嘉靖三十二年(癸丑)

邑人畢鏘襄試南宮。旋遷浙江督學。陞湖廣左布政。歷任南京戶工吏三部尚書。北京戶部尚書。年七十告休。帝存問者三。卒贈太子太保。諡恭介。鏘與海瑞立一條鞭徵賦之法。江南至今稱便。本縣之無漕糧。亦自鏘始。

嘉靖四十年(辛酉)

坊市湯希閔、八九都桂伊領鄉薦。

嘉靖四十四年(乙丑)

湯希閔登進士。仕至戶部郎中。

嘉靖四十五年(丙寅)

先是本縣舊設土城。前後濱溪。爲門者十。東門、小東門、西門、正南門、毓秀門、小南門、南門、正北門、西北門、東北門。本年始相地定基。用磚築城。爲門者五。東曰來甯、西曰金城、南曰儀鳳、小南曰清舒、北曰望華。城樓五。東西水關二。

## 穆宗

隆慶元年(丁卯)

四都章應奎領鄉薦。

## 神宗

萬曆四年(丙子)

二都施大用中武舉。

萬曆七年(己卯)

七都沈國興領鄉薦。坊市陳一璣中武舉。

萬曆十年(壬午)

二都唐斌、十二都彭時來中武舉。

萬曆十六年(戊子)

二都唐文耀中武舉。

萬曆十九年(辛卯)

八九都桂希呂中武舉第一名。

萬曆廿三年(甲午)

桂希呂領鄉薦第二名。坊市桂一鸞中武舉。

萬曆廿四年(乙未)

桂希呂登武進士。

萬曆廿五年(丙申)

夏五月十五日始大雨。二十二日晝夜如注。二十五日平地水高四

丈。衝入東南城關。四野盡成江河。八九等山崩水溢。故道無存。積屍橫野。廬舍漂沒。十一都溪北一山約六七畝。飛越溪南。壓死男婦十四五人。山上樹木如故。

萬曆廿八年(庚子)

坊市桂應蟾領鄉薦。仕至衡州府推官。二都蘇萬民中武舉。

萬曆廿九年(辛丑)

夏六月大寒。人盡衣棉。深山積雪不消。至七月始熱。八月大熱。時吳越及大江南北無不病者。

萬曆三十一年(癸卯)

一都金文光中武舉。

萬曆三十二年(甲辰)

知縣熊應煌再修縣志。金文光登武進士。崇禎初以平江西九連洞寇功。擢授總戎。不赴。明亡。隱居古一山。著有古一山集。

萬曆三十五年(丁未)

大水。

萬曆三十六年(戊申)

大水。平地丈餘。魚鱉入室。沿溪田廬牛畜。漂沒殆盡。巡撫周孔教多方振恤。

萬曆四十三年(乙卯)

坊市蘇來遠中武舉。

萬曆四十五年(丁巳)

江北鼠啣尾渡江。月餘千萬爲羣。散去各邑食禾稼。池屬多有。

萬曆四十八年(庚申)

大疫。秋西方彗星見。大如斗。拖白尾數十丈。





崇禎九年(丙子)

而南。傷稼。

冬無冰。

崇禎十年(丁丑)

六月。熒惑入南斗。經兩月。

崇禎十二年(己卯)

江南訛言祀竈。郡邑如狂。

崇禎十三年(庚辰)

四月大霜如雪。菜麥俱死。八月飛蝗蔽天。

崇禎十四年(辛巳)

春大饑。病疫死者相枕籍。時江南等處盡饑。

崇禎十五年(壬午)

夏蝗。坊市陳自勵、一都陳邦簡領鄉薦。

崇禎十六年(癸未)

元旦冷風凄慘。黑霧迷七日始止。

崇禎十七年(甲申)

春太白經天歷數月。清兵入北京。福王卽位於南京。改元弘光。

### 清 (官制與明代同)

## 世 祖

順治元年(甲申)

(即崇禎十七年弘光元年) 三月十九日。李自成陷京師。明思宗

自縊於煤山。梓宮出東門。邑人湯文瓊。布哀慟哭。書其紳以文

信國爲志。觸梓宮死。明福王在南京。改元弘光。程九萬謫

知池州府。左夢庚由東流以兵攻池州。九萬死之。十月清自藩

順治二年(乙酉)

陽遷都北京。

五月清豫王多鐸破南京。始下薙髮令。七月邑人武舉桂一姜、陳善、曾天甯等。率鄉勇隨吳應箕起義白洋河。抗清兵於池州。兵敗。應箕被執死。一姜、善、天甯等。率兵由曹村退龍巖。八月十二日。清池郡守馬宏良(張自昌)嗣復本姓名)率總鎮追至龍巖。一姜、善、天甯等。戰歿於地嶺。總兵于永綏欲屠焚七都。沈氏幾至覆族。賴宏良委曲保全。沈氏立生祠以祀之。二十八日。自昌至城中張榜安撫。委楊可建攝縣事。下令薙髮。除明季加派三餉。石埭自此始入清室版圖。九月。邑人畢汝懋不屈。投河遇救。髡爲僧。入陵陽山。終其身不履城市。其他如楊其仁登樓不下。陳美遁入歷山。恥事清廷者。各姓都有。唐王朱聿鍵。稱帝福州。改元隆武。

本縣編定徭役共一，五八八戶。一〇，一一八人。男六，七〇六人。計成丁三，六四九人。不成丁三，〇五七人。婦女三，四一人。奉文編審。除豁免逃亡人丁七四九人外。實編二，九〇〇丁。又除優免五四八丁。每丁徵銀三錢五分九毫一七六九五五。

順治三年(丙戌)

邑人桂有燧殉唐王之難於江西撫州(乾隆四十年追諡節愍)。八月。邑人陳暄李元騏領鄉薦。全邑大飢。邑人蘇際颺首捐穀倡振災。十月初十日地震。

順治四年(丁亥)

頒大清律。制編戶口法。十戶立牌頭。十牌立一甲頭。十甲立一保長。戶給印牌。書其姓名。出入註其往來。寺觀旅館。一體頒給。凡賣田地房屋。增用契尾。每兩輸銀三分。

順治五年(戊子)

邑人夏村蘇汝霖領鄉薦。旌孝子周邦綉(上五都四甲)。

順治六年(己丑)

歲饑。邑人胡汝溼首捐穀二百石以備賑。廢江南省。爲江蘇安徽兩省。安徽領府八。直隸州五。石埭等六縣。仍屬於池州府。頒均田法。將全縣田畝六萬一千八百餘畝。融均五百六十畝爲一甲。挹彼注此。平均擔負。民無偏累。十三都舒雲龍陳聖典中武舉。

順治九年(壬辰)

邑人蘇汝霖登鄒忠倚榜進士。訓導願言。集合邑紳士。講學於陵陽書院。刊道學正宗。

始置馬田以養驛馬。由部頒銀四五一兩七四二五八絲。購田一百畝零三分八厘餘。至是里甲可免津貼之累。

順治十四年(丁酉)

知縣高駿升重修文廟。閏六月大水。十一月雷鳴。十二月十三日地震。邑人七都沈德載中武舉。

順治十六年(己亥)

明將鄭成功由崇明入江。抵金陵。張煌言別取徽寧諸路。東南大震。民思反清。石埭戒嚴。

順治十七年(庚子)

知縣王太初重修文廟竣工。邑人曾元升中武舉。嚴禁士子結社集會。春四都境內有虎。始食一僧。相繼食一百八十餘人。

## 聖祖

康熙元年(壬寅)

考試停止八股文。

康熙二年(癸卯)

邑人七都沈鳴珂中武舉。

康熙三年(甲辰)

邑人沈德載登武進士。次年仍用八股文取士。并免順治以前逋賦。

康熙五年(丙午)

邑人七都沈德馥中武舉。是年武科新例。頭場試策五道。二場試四書論經論各一篇。

康熙六年(丁未)

二月知縣姚子莊條陳錢糧六弊六法。釐革舊弊以歸劃一。至今稱便。沈鳴珂登武進士。

康熙八年(己酉)

歲饑。邑人湯懋隆桂友義等。首倡捐穀備振。并捐鉅貲新建尊經閣。邑人七都沈德智中武舉。

康熙九年(庚戌)

沈德智登武進士。

康熙十一年(壬子)

秋大旱。冬十二月姚子莊傾貲賑放。至次年四月始止。民多德之。是年頒聖諭十六條。立碑於明倫堂。次年癸丑。廷議撤藩。徵調頻仍。吳三桂以雲南反。邑人蘇汝霖任廣西提學。十九年回京。

康熙十二年(癸丑)

邑人坊市桂自錦、七都沈德藩、十一二都舒立誠中武舉。

康熙十三年(甲寅)

沈德藩登武進士。

康熙十四年(乙卯)

姚子莊重輯石埭縣志八卷。五月子莊上詭糧、新安衛丁、地保、火夫、封船五議。石埭自此免封船之役。邑人八九都胡日升、七都沈明徵、十一二都彭拱、湯聖中武舉。

康熙十七年(戊午)

吳三桂卽位衡州。國號周。改元昭武。三桂卒。其孫世璠立。改元洪化。江南戒嚴。

康熙二十年(辛酉)

祀前知縣姚子莊於長林書院(東門外)。

康熙二十三年(甲子)

邑人彭紀、舒朝模中武舉。

康熙二十四年(乙丑)

邑人湯聖登武進士。僧海順及胡金門築修石門嶺。建步雲庵於嶺巔。化峻嶺爲康莊。至今稱便。

康熙二十九年(庚午)

知縣趙承烈續輯縣志附印於姚志原版之後。沈明澈登武進士。邑人章樂登中武舉。

康熙三十八年(己卯)

邑人蘇鍾媚領鄉薦。沈自珍、舒孟嘉中武舉。

康熙四十五年(丙戌)

流沙嶺巔建巨剎曰萬緣禪林。並捲砌石洞。洞長五丈許。如城門然。爲吾邑大建築之一。

康熙四十七年(戊子)

彭拱登武進士。邑人陳自牧領鄉薦。五月大水。四五都被災尤甚。打傘培(路名。通徽要道)一帶奔潰。人畜淹斃無算。次年僧隱行鑿石築路。蜀尹本年丁地錢糧。又發穀振飢。又全蜀次年丁地錢糧。

康熙五十一年(壬辰)

知府馬世永重修池州府志。頒滋生人丁永不加賦詔。治江南科場大獄。

康熙五十二年(癸巳)

邑人李天簾領鄉薦。

康熙五十四年(乙未)

大旱。自五月十三日徵雨。至十月雨始足。一望赤地。禾稼焦枯。知縣朱申報發倉大振。

康熙五十六年(丁酉)

嚴禁傳布天主教。

康熙五十七年(戊戌)

六月廿八日。大水。比四十七年只少一尺。合邑被災。邑人畢

玉履領鄉薦。

康熙 年待考

邑人蘇暎創設蘇氏文苑。捐田租二百石。爲此後全縣士子鄉會試卷燭之費。(按此項田租現歸教育科每年收支。)

康熙五十九年(庚子)

邑人舒創中武舉。

## 世宗

雍正元年(癸卯)

定丁銀攤入地糧內徵收例。特諭開墾。水田以六年起科。旱田十年起科。凡有可墾之地。聽人民自墾自報。官吏不得勒索阻撓。

嚴禁百姓代賠州縣虧空。並命停捐例。

雍正七年(己酉)

設常平倉、社倉。令削除伴當世僕(俗呼小戶)等籍。與編氓同列。

按戶編審契稅。每兩三分之外。加徵一分。爲科場經費。

雍正八年(庚戌)

知縣蔡廷翰以城垣傾圮。商議修葺。事未竟。以丁艱去任。知縣

盧百朋集款九百餘兩。補築重新。城樓雉堞。屹然鞏固。

雍正十年(壬子)

邑人楊有定領鄉薦。開除懷、桐、宿、南、涇、旌、石、東、

雍正十一年(癸丑)

當。十縣茶引八千九百引。

命各省設立書院。知府李璋增廣試院。興秀山書院(六縣公產)勸課尤勤。

雍正十三年(乙卯)

邑人桂朝獻領鄉薦。

## 高宗

乾隆元年(丙辰)

詔試博學宏詞。坊市桂含章(著有春秋比事參義十六卷、四書益智錄二十卷)與試以病歸。邑人沈德馨領鄉薦。是年頒十三經二十一史於各省及府州縣學。并頒定營造尺。

乾隆六年(辛酉)

邑人沈樂成領鄉薦。採訪遺書。次年壬戌。定選拔貢生爲十二年一次例。

乾隆八年(癸亥)

邑人陳鳳苞張應翔蘇德音等。始建文昌閣於東門外。

乾隆九年(甲子)

旌孝子方成(上五都二甲)陳夢送(上五都三甲)入祀忠義祠。次年丙寅普免各省錢糧一次。

乾隆十二年(丁卯)

邑人陳洪善桂作霖同領鄉薦。

乾隆十四年(戊辰)

知縣石瑤潔續修縣志八卷。未刊行而卒。僅存稿前四卷。於民國



廿四年由邑人張楚捐貲刊印。

邑人蘇敞領鄉薦。

乾隆十五年(庚午)

邑人桂聖俞李一瑞同領鄉薦。

乾隆十七年(壬申)

邑人沈鵬領鄉薦。

乾隆十八年(癸酉)

知縣余模復修文廟。知縣吳文濤於竣工時。勒石旌忠義李用質(字園秀一都五甲)左難當(字匡正老三都二甲)柳世恩(字南北二都

甲)孝子楊永顯(下五都三甲)義士陳景芳(字子春市都八甲)方守

仁(上五都一八甲)楊時運(四都二甲)蘇注(字時東一都七甲)入祀

忠義祠(祠在文廟西隅今圯有碑可考)。

乾隆二十二年(丁丑)

三次南巡。詔會試易表判爲詩易經文於二場。次年復於頭場增性

理論一篇。

乾隆二十四年(己卯)

邑人沈德修沈德宜同領鄉薦。

乾隆二十五年(庚辰)

安徽布政使移駐安慶。

乾隆二十九年(甲申)

知縣林京詳請估修縣城。領帑一千六百四十兩。重加修築。計城

門五。水關二。高一丈六尺。厚八尺。周長三里一分。

乾隆 年待考

衛籍姚文炳。考入本縣學額。先是衛籍子弟須赴新安衛考試。文

乾隆三十年(乙酉)

炳訴諸學院。准撥學額二名於石埭。得與民籍一體考試。

邑人蘇殿斐沈士疇楊邦彥同領鄉薦。

乾隆三十五年(庚寅)

蠲免應徵錢糧。次年壬辰。飭購訪遺書及著作。

乾隆三十六年(辛卯)

邑人陳鳳苞領鄉薦。

乾隆三十九年(甲午)

邑人沈廷襄捐屋創設沈氏文苑。並捐田租穀二百石(此田租穀現由教育科經管)。爲此後全縣士子鄉會試卷燭之費。

乾隆四十年(乙未)

邑人之旅金陵者。倡建石埭會館。以爲鄉試僑居之所。

乾隆四十一年(丙申)

追賜明太僕寺卿蘇瓊諡忠烈。本縣崇祀鄉賢祠。

乾隆四十二年(丁酉)

邑人陳以勳領鄉薦。

乾隆四十三年(戊戌)

邑人蘇廷鶚捐田租穀六十石爲學田。廷鶚。曝幼子也。當病篤時。衆議捐田僧寺資冥福。廷鶚曰。不如繼先人志。捐作學田。(現由教育科管)

乾隆四十四年(己亥)

邑人汪鐘領鄉薦。知府張士範重修池州府志。時石埭人口三十三萬一千八百餘名。(按現在全縣人口僅四萬八千餘名。相差甚多。

恐不符)。田地山塘原額折實田六百一十八頃二十三畝有奇。

乾隆五十三年(戊申)

邑人沈璜領鄉薦。頒發大清一統志。金陵水西門孫家巷石埭

會館落成。自倡建至今。歷十二年。現爲老會館。

乾隆五十四年(己酉)

邑人沈自咸領鄉薦。

乾隆六十年(乙卯)

江南鄉試定蘇皖分省取中(蘇六皖四)。

## 仁宗

嘉慶元年(丙辰)

弘曆禪位爲顯球。舉行授室典禮。及盛大慶祝會。增廣學額。

嘉慶二年(丁巳)

重建忠義祠於文廟西偏。迎李用賓左難當等九人木主入祀之(今祠已圯尙有碑可考)。

嘉慶三年(戊午)

邑人奚元中武舉。

嘉慶五年(庚申)

裏鄉大約嶺。危岩削壁。行人苦無止息。黟縣史延齡選良工查某建築斯嶺。曲折適當。稱爲垣途。胡知縣勒碑。永禁開挖。

嘉慶十年(乙丑)

金陵武定橋畔東牌樓石埭會館落成。此地隣近貢院。便於入闈。是爲新會館。民國十八年後。改爲石埭旅京同鄉會。共有房產九處。義塚地四處。值五萬元。凡在京中學以上之同鄉學生家寒無力者。可受津貼學費。

嘉慶十六年(辛未)

修備文廟雅樂十七宗。一百五十八件。質文度數。悉由訓導汪萊

嘉慶十八年(癸酉)

嘉慶二十五年(庚辰)

### 宣宗

道光元年(辛巳)

依律呂正義詳加校訂。成式無分寸之逾。章譜無纖析之訛。選廩生二十人。肄生四十人習之。御賜萊以通曉數學印章。是年試辦海運。

邑人徐必沐領鄉薦。

重開鳳凰嶺(通徽要道)。鑿石爲途。護以石欄。險道化爲坦途。

邑人李玉衡被徵舉孝廉方正。三月建察院於東街(現爲教育局)。先是邑試院被焚。縣試几案須自備。

邑人周穀號太谷。傳道於儀徵。兩江總督百齡聞而收繫之。旋釋出。從者彌衆。遺言爲弟子所記者。號太谷經。詳列傳(安徽通志民國廿三年稿列傳六)。門人李積中居山東肥城。而有黃珪冤獄。今爲在理教之祖。

沈氏合旅建凌雲塔於甲子嶺巔。開工於嘉慶二十年。歷今八年工始竣。爲吾邑建築物之一。

儒學董汝成續輯縣志未刊印。民國二十四年印成。

道光四年(甲申)

道光二年(壬午)

道光五年(乙酉)

聘貴池桂超萬蒞石掌廣陽書院教。

道光八年(戊子)

邑人張鶴樓繼其先人瑞芝之志。恢復麗澤文苑(俗呼張氏文苑)。並捐田租穀伍百件。(每二十斤爲一件)。爲每屆科歲試卷燭費。

道光十四年(甲午)

邑人七都沈衍慶領鄉薦。

道光十五年(乙未)

邑人沈衍慶登第五名進士。

道光十七年(丁酉)

邑人嶺下楊摛藻領鄉薦。

道光十八年(戊戌)

黃滋爵奏請嚴禁鴉片烟。次年林則徐焚燬鴉片於廣州。停止英人貿易。先是邑有李某。服官廣東河泊司。恆與赴粵洋莊茶商。各攜鴉片烟回籍。邑中執袴子弟。漸趨嗜之。是爲鴉片烟流行石埭之始。邑人沈衍慶上林則徐書。請禁鴉片烟。

邑人楊摛藻登進士。

道光二十三年(癸卯)

重建文昌閣於東門外。歷三年。工始竣。爲士子吟宴之所。

邑人沈寶鋸領鄉薦。田鶴飛中武舉。

道光二十四年(甲辰)

邑人楊殿材沈寶鋸領鄉薦。

道光二十九年(己酉)

江南北大水。屋廬漂蕩。僵尸遍野。金陵本邑會館亦水深丈餘。

道光三十年(庚戌)

建全縣節孝總祠於城東。

## 文宗

咸豐元年(辛亥)

兩江總督陸建瀛奏請以性理論取士。經禮部議准生員於考試經古場。童生於府縣覆試場。添性理論一篇。題在瀟洛關閩書中。地生毛。吹之若針刺。抽之無根。

咸豐二年(壬子)

邑人坊市陳錫周領鄉薦。

咸豐三年(癸丑)

正月十七日太平天國軍破安慶。二月初十日攻入金陵。以金陵爲

卽太平天國三年

國都。號曰天京。頒天條十條。時清學使沈念農督皖南軍務。檄

游府周天授率九營蒞石。駐紮琉璃嶺崇覺寺。都司黃某率三營駐

夏村。石埭重經兵燹自此始。當是時安徽院司皆僑守廬州府。衆

議建爲省治。授江忠源安徽巡撫。邑人沈衍慶以名進士出宰鄱陽

。七月十四日太平軍攻鄱陽。衍慶力戰死之。八月邑西城內桃李

華。池郡爲太平軍所破。石埭組織廣陽團練總局。四鄉各設分局

。自此權歸紳士。縣官畫諾而已。二十七日太平軍攻石埭。不利

。退踞陵陽鎮。十二月初十日琉璃嶺失守。太平軍入石埭。經夏

村徑往徽州。沿途頗守紀律。

咸豐四年(甲寅)

卽太平天國四年

正月太平軍孫寅三越太平破祁門。范四瞎由青陽攻石埭。清軍周天授自琉璃嶺敗潰。退徽州。邑孝廉方正桂誥(字卿)率鄉團守霧露嶺。力寡不敵。退至雪潭灣。投水自殉。太平軍入石埭。下蓄髮令。當天授退經夏村時。高城孫偉等乘機截刦輜重。三月天大風雨雹。大者如杯。小亦如豆。菜麥歉收。是月太平軍湯監軍。由池郡蒞石安撫。並於各都設軍師旅帥司馬百長等職。(如四五都公推蔣家玉充軍師。蘇華寶充旅師。徐萬七充帥師。議定倘不幸遇害。應由地方撫恤其家屬並爲立廟致祀。蔣蘇徐等。出死入生。奔走府省。地方賴以稍安。)五月范四瞎敗退石埭。天授率兵躡擊。經夏村。懷孫偉截刦之仇。縱火焚之。遂克縣城。四瞎退青陽。天授仍駐崇覺寺。越三日軍門鄧紹良繼至。經夏村。火未熄。撲滅之。六七月間大旱。七月清太平知縣歐陽藜照復石埭縣城。清刑部主事邑人楊摛藻倡辦青石太旌涇團防。凡二十歲以上六十歲以下。悉編入隊。是歲太平軍至裏鄉火燬廟宇。大洪嶺之古松庵預焉。最慘者深渡洞內有難民百餘人。同日被焚死。正月辛巳太平軍由青陽趨石埭。丁亥石埭下。辛卯黟縣下。是日

咸豐五年(乙卯)

卽太年天國五年

清軍復石埭。五月太平軍由婺源經黟縣。由羊棧嶺取石埭。清軍向榮遣鄧紹良驅擊收復之。(方略何桂清疏國史鄧紹良傳)太平軍退踞青陽。紹良留兵堅守琉璃嶺。八月乙酉清周天授再復石埭城。進駐陵陽鎮。是時青邑十民多齟齬。天授已不欲駐。十六日。沈念農以經費艱難。扎飭分派。二十一日紹良提師回淳村。天授亦由陵陽鎮回師石埭城中。居民惶惶。楊攜藻等乃聯合涇旌太石四縣紳耆。列名再三請留重兵守石。略謂徽浙依旌太爲門戶。旌太依石埭爲藩籬。是故守石邑所以守旌太。守旌太卽所以守徽浙。當以旌太之勇。爲石埭壯軍威。以徽浙之費。爲石埭助軍餼。鄧周二軍。乃仍留駐石埭。於是議割皖南五府州隸浙。以鎮道專軍事。江南大營利浙餉。輒遣重兵徇皖南。

咸豐六年(丙辰)  
卽太平天國六年

清軍守崇覺寺。太平軍屢攻。均不利。五月江南大營陷。向榮死之。時太平軍內訌。石達開奔寧國。不復返安慶。八月丙申太平軍走羊棧嶺向祁門。祁門休寧俱下。江長貴擊走之。九月太平軍之撲徽州也。張芾親督戰。周天受馳至解圍。時建德來援之太平軍。入樺根嶺至歷口。爲祁門團練所遏。休寧之太平軍失援。甲



申復取黟縣。十月清周天受復黟縣。太平軍分道由祁門北出本縣之大洪嶺。由黟北出羊棧嶺。十二月甲午太平軍由石埭繞羊棧嶺外趨祁門。清詔鄧紹良駐寧國。督寧國軍務。防浙退。是歲大旱。蝗。

咸豐七年(丁巳)  
卽太平天國七年

三月壬戌周天受復石埭。駐崇覺寺。太平軍翼王石達開率衆攻石埭。分四隊。一由太平境入華坑攻夏村。一由陵陽鎮攻崇覺寺。周天授連戰却之。困甚。適軍門江長貴由郭村來援。圍乃解。是役也。團練防堵之力頗多。閏五月庚子太平軍古隆賢由石埭侵黟。江長貴擊走之。

咸豐八年(戊午)  
卽太平天國八年

八月乙卯池州太平軍分侵石埭青陽。遂合據陵陽鎮。逼崇覺寺。江長貴由徽來援始去。浙撫胡興仁奏減皖南軍餉。九月太平軍突破琉璃嶺。清軍潰退。鄉團練扼守泥田嶺。力不支。團董蘇需被執不屈死。團長蘇湧元等陣歿。城陷。城鄉紳耆及婦女。死亡枕藉。是月戊寅太平軍由陵陽鎮趨崇覺寺。江長貴擊退之。時青陽亦有敵衆來侵太平。江長貴又敗諸夏村。十月甲辰徽軍程紹鸞擊退夏村太平軍。乙己江長貴率軍平毀陵陽鎮太平軍壘。自七月廬

咸豐九年（己未）  
卽太平天國九年

州再陷後。清軍專注重淮南北。鮮有顧及皖南者。十一月鄧紹良戴文蘭戰歿於黃池。皖南益藉不可爲矣。是月詔前江西巡撫張芾督辦皖南軍務。駐徽州。

正月督寧國軍務鄭魁士復黃池。四月魁士被劾稱疾去。張芾以周天授統代寧國軍。七月彗星見於西北。光芒長約五六尺。二十餘日始沒。太平軍輔王楊輔清由景德鎮率衆攻龍巖（七都）。圍清軍數匝。清軍迭乞增援。張參戎某擁兵不發。黃朝陞曾玉堂等自請赴援。張參戎又以危詞止之。時天授調寧國。軍門米與朝奉調填防。亦逗遛芳村。不逾甲子嶺。龍巖守軍都督吳文山。遊府羅光忠都戎梁君張瑾馬雲及黃陳等餉盡援絕。三千餘人。同日覆歿。輔清躡甲子嶺。由華坑攻夏村。適參戎王恩榮由徽來援。大戰於大石洪。輔清仍退龍巖。八月輔清由龍巖繞宏潭攻郭村。清軍副將羅勉齋所駐五營均潰敗。勉齋奔徽郡。二十日米與朝移重兵駐夏村、官舖、中村淦。舒溪兩岸。營壘相望。居宅糴食。悉被搜佔。民多逃亡。張守備黃都司戰歿於船渡。邑人楊金印被執。題絕命詩。不屈死。二十三日。輔清進踞夏村。米與朝退守縣城。

適榮鎮軍黃參戎由寧國府來援。於是扼旗嶺芝嶺而守。九月十九日。太平軍孔某。仇殺余溪方姓七百餘人。列頭顱百顆於上橋。並焚及全村住宅。黟縣紳團乘勝復石埭余溪。十月二十八日。輔清開池郡韋志俊降清。乃與古隆賢等率衆由華坑踰白沙嶺往攻貴池。清軍以追勦爲名。四鄉搜索。蘇李諸姓宗祠及巨室。均遭焚燬。丁馥堂家。世藏宋明珍本及孤本圖書數千卷。竟付一炬。十月太平軍賴裕新（達古）攻寧國。周天授敗績。部將石玉龍死焉。十一月會國藩援皖。移駐宿松。是爲湘軍入皖之始。

咸豐十年（庚申）  
即太平天國十年

正月清軍奉令援徽。完全撤防。太平軍賴裕新（達古）辛卯取涇縣。甲午取太平旌德。乘虛取石埭。派蔣某設頭卡於夏村。二月太平軍陷杭州。閏三月清軍江長貴率韋志俊出羊棧嶺。攻克石埭。蕭翰慶率唐義訓出昱嶺攻克太平。裕新性殘忍。殺邑紳蘇華寶蔣家玉等數十人。夜半開北門。拔衆退往青陽。志俊入城安撫。居民漸歸耕種。五月太平軍奉王古隆賢由青陽攻崇覺寺。分隊由泥田嶺攻古竹橋。進踞縣城。清守軍張參戎所部各營。潰經夏村退徽。邑諸生徐秉鑑（字曉潭）率鄉團練赴戰被執。不屈死。懷中有

咸豐十一年(辛酉)  
卽太平天國十一年

絕命詩一首。六月十一日。曾國藩移駐祁門縣。八月詔罷張芾。皖南軍務。由國藩兼之。以一事權。檄觀察吳坤修進駐郭村。是月隆賢清查門牌。登記人口。派夏某設頭卡於夏村。八月十二日太平軍楊輔清賴裕新古隆賢合軍攻陷寧國。周天授死之。李世賢率衆四萬攻徽州。是月英法聯軍陷天津。奕訢奔熱河。英軍逼北京。焚圓明園。曾國藩請勤王。未許。十月太平軍忠王李秀成率衆十萬。由大通趨石埭攻郭村。踰羊棧嶺。破黟縣。撲祁門。國藩檄鮑超張運蘭等擊卻之。十一月太平軍進圍祁門。鮑超張運蘭楊鎮魁等迎戰於廬村。是年彗見於東方。

正月乙未太平軍由石埭分二路攻祁門。一出大洪嶺。江長貴禦之。一出大赤嶺。黃惠清不能禦。進至石門橋。唐義訓禦之。二月太平軍由池州踰嶺。趨圍祁門。祁門倚糧江西。至是糧運三十日不至。國藩誓以死守。自書遺囑二千餘言。朱品隆江長貴力拒。圍迺解。自是裏鄉各村鎮成焦土矣。太平軍古隆賢令民歸耕。時糧價奇貴。米每升四百文(合洋四角餘)。鹽每兩七十文(合洋七分餘)。人相食。多餓死者。時有米肉(人肉之別稱)糠肉(豬肉)

之分。四月國藩率師出石埭大洪嶺經裏鄉。移駐東流。留朱品隆守祁門。張運蘭守休寧。江長貴守柏溪。唐義訓守漁亭。沈寶成守歷口。楊占魁守羊棧嶺。五月太平軍由石埭踰羊棧嶺。破黟縣。朱品隆江長貴張運蘭等復之。運蘭連進克復徽州。六月彗復見於北方。逼近北斗。漸移而上。八月初一日。曾國荃克安慶。初七日國藩移駐安慶。安慶爲太平軍所踞。蓋歷九年矣。國藩設忠義局於安慶。聘邑人陳艾楊德亨主任局務。各省忠義局之設由此始。於時楊載福克池州銅陵。八月古隆賢派隊擄村民。強刈秋穀。運城貯藏。並飭令都供穀三千石。居民復潛逃。十二月鮑超復青陽石埭。旅仍爲太平軍所踞。

## 穆宗

同治元年(壬戌)  
即太平天國十二年

三月初五日清軍鮑超復青陽。二十二日進克石埭太平。而石埭旋仍爲太平軍所踞。六月十九日邑人汪淮任陝西洋縣令。太平軍以地雷轟陷縣城。淮戰死。洋民請於朝。配祀城隍。閏八月疫疾盛行。死亡枕藉。太平軍黃文金圍攻甯國。鮑超據城堅守。十一月

同治二年（癸亥）  
即太平天國十三年

初七日。太平軍攻破祁門。旅爲清軍唐義訓等攻復之。十二月初五日。太平軍攻破青陽。二十五日朱品隆攻復之。太平軍仍退踞石埭。

正月太平軍賴文鴻擁衆七萬。由石縣埭趨圍涇縣。易開俊力禦之。鮑超由宣往援。解涇圍。三月二十二日清軍朱品隆攻青陽石埭克之。旋仍爲太平軍古隆賢所踞。五月初三日太平軍由石埭退往茂林村。清軍易開俊追擊之於章家渡。朱品隆復青陽。石埭太平旋仍爲太平軍古隆賢所踞。與品隆劃陵陽鎮爲界而守。六月清軍王文瑞復黟縣。九月二十八日。隆賢以石埭太平旌德投降於品隆。散遣降人四萬。石埭自此無太平軍旗幟矣。十月二十五日李鴻章復蘇州。時曾國荃圍金陵。

同治三年（甲子）

正月居民陸續回里。各戶人口。僅存十分之一二。上田每畝僅值洋一二元。省委蔣世琦蒞石權知縣事。二月左宗棠克復杭州。四月舉行縣試。五月府試。旋學使朱蘭（餘姚人）蒞郡院試。並補行咸豐五年以還歲考。六月十六日曾國荃率李臣典攻克金陵。獲忠王李秀成等。洪秀全於四月二十七日服毒自盡。子福瑛自焚。太

同治四年(乙丑)

平天國遂亡。

春兩江總督曾國藩以皖南石埭等九縣地方。被害最劇。惠施牛粒種。每縣紋銀柒千餘兩。先是本境產糧。僅敷民食三個月之需。餘悉仰給船運之輸入。由灣址直抵夏村。兵燹以後。人口銳減。河道淤塞。城南米行船行。亦俱停閉。自此舒溪河中。絕無帆運矣。

同治六年(丁卯)

諭飭各省府縣嚴拏哥老會。邑人楊文會創設金陵刻經處。校勘刻印。俾廣流傳。佛學自此昌明。

同治八年(己巳)

淮揚水師前營哨官副將盧經學。參將朱楚經。帶領勇丁在雞兒灘佔住民地。強砍汪姓祖塋樹木。並毆傷多人。江督馬新貽委孫觀察。儒裝商民。蒞境查明。分別參革懲辦。民心感戴。爲立祠以祀之。

德宗

光緒二年(丙子)

二都施邦瑞。妖術煽惑。法以紙人翦婦稚髮髻。並以九龍山名義。召集各姓無賴。密謀作亂。知縣沈汝椿密捕邦瑞等正法。並搜

出白綾名單一鉅冊。汝椿召各族。自加懲治。各具書悔過。遂焚其冊。

光緒三年(丁丑)

三月知縣楊豁免各都甲攤派院府考試費。立碑縣衙門前。

光緒四年(戊寅)

邑人楊文會任忝贊隨會紀澤出使英法各國。考求政教生業甚詳。精究天文顯微等學。製有地球圖。併輿圖尺。爲石埭人士歐遊之始。

光緒五年(己卯)

邑人坊市陳之鳳領鄉薦。三都蔣致冷中武舉。

光緒七年(辛巳)

五月大水。夏村等處尤甚。有淹沒屋頂者。居民乘筏登駱駝山。次日水退。

光緒八年(壬午)

八月邑人汪志豐畢景等。開始重修闔邑城隍廟。明年工竣。

法人要求知縣覓購城東南隅舊文苑基地。建築天主堂。並訂明不毀文苑二字。是爲石埭有教堂之始。

光緒十二年(丙戌)

邑人楊文會應劉芝田之聘。隨使英倫。考察政治製造諸學。三年歸國後。誓不復入政界。專闡揚佛學。

光緒十六年(庚寅)

四月襄鄉橫船渡七里貢溪等處。山洪陡漲。淹斃人畜無算。損失極鉅。五月十三日。望仙街有唐玉狗者。本哥老會首領。自稱九



千歲。私造兵器旗幟。密集隣邑匪徒數百人。約期作亂。會大水不能如期至。鄉人密報於縣。知縣顧懷壬一面飛檄請兵。一面率鄉勇驟捕之。獲玉狗等。鎮兵至。斬玉狗等十餘名。

光緒十七年(辛卯)  
邑人下五都徐履謙徐正鈞領鄉薦。邑人陳艾捐銀一千兩。倡議重修文廟。七月初一日開工。是年各省督撫迅速籌辦教案善後事宜。嚴拿哥老會。

光緒十九年(癸巳)  
邑人坊市桂殿華領鄉薦。

光緒二十年(甲午)  
楊文會與英人李提摩太譯大乘起信論成英文。是爲佛學西行之始。邑人坊市蘇城領鄉薦。

光緒二十三年(丁酉)  
文廟竣工。凡歷七年。費本洋(西班牙國所製每元合龍洋一元四角餘)二萬八百餘元。先是太平軍之役。文廟被燬。歲時祭祀。假城南祝聖寺行事。至是迎粟主於新廟。天主教蔓延各鄉鎮。民教之間。紛爭時起。各縣嚴拏哥老會。楊文會築室於金陵延齡巷。爲刊印佛經及流通經典之所。並與印人摩訶波羅。興復五印佛教。旌孝子蘇官榮(四都三甲)。

光緒二十四年(戊戌)  
大旱。六月三都蔣宏林因祈雨取水。以身殉。邑人桂殿華登進

光緒二十六年(庚子)

士。縣初設郵政局。每函一件。貼一分郵票。初用銅元。本洋一元。兌銅元一百二十枚。

光緒二十七年(辛丑)

徐氏萬卷樓被焚。孤本圖書。悉成灰燼。七月青陽木竹潭有郭老太者。自稱爲小天王洪福瑱之妃。集合青太石銅旌涇各縣無賴及長江會匪。謀作亂於大通。聲勢洶洶。大通青陽逃亂者絡繹過石。居民惶惶羣作遷計。城鄉各舉辦團防。日夜梭巡。迨蕪鎮兵到青。捕老太等正以法。亂乃平。組織天足會。勸戒婦女纏足。田賦加徵庚子賠款。每條一畝。徵制錢三百文(約值銀一錢二分餘)。與正供相等。

光緒二十八年(壬寅)

補行庚子辛丑鄉試。邑人徐蓉鏡徐紹熙徐紹曾、曹蟠沈恩燦等領鄉薦。彭應江恩賜舉人。實行廢八股文。改策論試士。停止武試。張百熙奏陳學堂章程。頒行各省。是年裁撤屯衛。歸併民田升科。

光緒二十九年(癸卯)

邑人徐紹熙登進士。下五都徐經綸領鄉薦。

光緒三十一年(乙巳)

八月。詔停鄉會試及院府縣科歲考試。科舉制度。自此告終。先是二十七年知縣林煒焜改廣陽書院爲致材學堂。本年十月知縣陳

采蘭。改爲師範講習所。選邑之廩生增生附生三十餘人肄業焉。采蘭有姪名格非。歸自日本。經石埭。留任講席。教誨不倦。士多嚮之。是爲石埭開設學堂之始。

光緒三十二年(丙午)  
知縣陳采蘭籌款改造察院(卽縣考棚)爲學堂。創設縣立高等小學堂。及鄉區初級小學五所。始設勸學總董。教育附加。每條畝附加洋一分三厘。並串票一張。洋二分。全年約一千元。

光緒三十三年(丁未)  
選送廩附肄業省城各學堂。武庠生入標營。邑人楊文會創辦佛學學堂於金陵祇桓精舍。中西并究。陳世恩入祀鄉賢。

光緒三十四年(戊申)  
始設巡警公所於城內。開辦池州府中學堂。本縣隨田賦加徵池州中學經費。

## 宣 統

宣統元年(己酉)

宣統二年(庚戌)

各省諮議局成立。頒行地方自治章程。  
頒布新刑律。各省請速開國會。因詔纂擬憲法。本縣創設籌備自治公所於城內。始查戶口。編門牌。是爲地方人民自治之始。除夕大雪。電電交作。

宣統三年（辛亥）

五月十九日縣南門外渡船覆。溺死五十餘人。此所以有建永濟橋之議。八月十七日邑人楊文會在金陵逝世。卽葬於延齡巷刻經處。十九日（雙十節）武昌民軍起義。推黎元洪爲都督。各省紛紛獨立。十月彗星見。大通軍政府黎宗嶽。派參謀胡孝齡率兵二營過境。石埭不血刃而光復。十一月十三日（一月一日）十七省民軍代表。選舉孫文爲臨時大總統。黎元洪爲副總統。就任南京。改陽曆。以是日爲中華民國元年元日。用紅黃藍白黑五色旗爲國徽。表示五族共和之意。時清廷授袁世凱全權與黨軍議退位條件。民國許以退位後優待。隆裕太后下詔率溥儀退位。清室亡（自順治元年至此。凡二百六十七年）。斯時境內會匪思逞。邑中紳耆。舉辦團練。捕著名會匪數名斬之。迺甯。知縣孫榮晝諾而已。臘月大通軍政分府黎宗嶽派蘇壬蒞城攝縣事。是後應入民國紀事

## 中華民國

中華民國元年

鼎革後省設安徽都督。下置民政財政教育實業四司。廢徽寧池太

中華民國二年

道及池州府治。縣設縣知事。稱縣公署。警察局仍舊。廢典使及巡防營。男子剪去髮辮。始設縣議會。民選議員。額定二十人。邑人桂殿華當選第一屆省議會議員。徐紹熙當選第一屆候補衆議院議員。舉辦牲畜稅。年訂比額五七六五元。後又附加八九〇元。

縣立高等小學校因鼎革停辦。今恢復。校長沈鳳威。六月大旱。安徽都督柏文蔚二次革命。七月革命軍駐守琉璃嶺約半月。倪嗣冲受袁世凱命繼皖督。平復革命軍。令馬聯甲率兵來縣。革命軍已先退。邑供給養。未受騷擾。

中華民國三年

始設蕪湖道尹。本縣屬之。重修城內正街石板大道。舉辦不動產驗契。本縣政費訂定月支六百元。行政司法各項均包括在內。縣議會停。

中華民國四年

田賦每正稅一元附加三分三厘爲森林經費。邑人蘇作霖徐秉衡等在大通劫置石埭公渡四艘。以利大通至青陽之航渡。使邑人不受幫船之訛索。由大通李仁和經理。縣立高小校因袁世凱稱帝與兵停辦。

中華民國五年

中華民國六年

春恢復縣立高小校。校長汪萬里。並設女子小學於城內。校長蘇本陳女士。

中華民國七年

設縣勸學所。七月邑人陳維熊當選第二屆省議會議員。秋癘疫大行。甚有閹門同死者。

中華民國九年

陳勸吾惟彥、桂厚之殿華、徐文明紹熙、蘇民生致厚及南京石埭會館等捐資創辦私立崇實小學于西門外舊儒學內。嗣改中學。增設初中。陳艾、陳巽舉崇祀鄉賢。杉山鎮國寺就太白書堂廢址重建西峯院。第一屆國會議員在廣州護法爲非常國會。邑人徐紹熙遞補爲衆議院議員。

中華民國十年

池州六邑同鄉在安慶四照園購建池州六邑同鄉會所。本縣由地方經費內籌撥捐款。

中華民國十二年

陳古愚、楊德亨崇祀鄉賢。秋有匪十餘人由陵山後潛入縣內劫獄。所有警察局縣公署槍械均被擄去。

中華民國十三年

改勸學所爲教育局。邑人桂殿華遞補爲第一屆參議院議員。重建東門外大魁閣。褒揚孝子汪金廷（樞溪）。

中華民國十四年

邑人陳惟彥等捐資倡義建南門外舒溪河橋。曰永濟橋。用鋼筋水

中華民國十五年

泥築成。費十三萬餘。並於南岸建兼濟橋與同濟橋。爲皖南巨工之一。後省屯公路卽利用此橋渡河。尙有餘款三萬。貯備修葺者。由陳惟壬等在天津設董事會保管。

鳳皇山建大佛殿。夏旱。五省聯軍司令孫傳芳辟邑人蘇民生爲安徽省長。辭不赴任。十月十八日江西潰軍孫傳芳部下鄭俊彥等竄經石埭。沿途綁擄。夏村烏石隴一帶。損失尤鉅。陳炯明部隊劉志陸竄駐縣城八十餘日。時北軍劉寶題師駐徽。兵隊往還不息。兵差供給。凡公產族產。俱抵押殆盡。

中華民國十六年

二月劉寶題自徽州竄經石埭。沿途剽掠。三月本省隸屬於國民政府。改懸青天白日滿地紅國旗。四月省公署及各廳改爲安徽省務委員會。設主席一人。委員若干人。分設民治財政建設教育四科。嗣改爲省政府。設民財建教四廳。廢蕪湖道治。改縣公署爲縣政府。縣知事改稱縣長。改警察局爲公安局。國民革命軍軍長賀耀組到縣。設國民黨本縣縣黨部及五區區分部。設人民自衛團。隨田賦每正稅一元征收六角二分五。是爲保安隊附加。覆驗不動產契據。

### 中華民國十七年

五月設縣地方財政管理處。先是地方財政。原設財政局。嗣因改革撤銷。十二月邑人旅南京者。組織旅京同鄉會。接收石埭會館產業切實整頓。凡邑人旅京之中學以上。求學而家寒無力者。可受津貼學費。省政府改訂本縣行政費。列三等縣。月支一千一百餘元。田賦每正稅一元附加一分八厘爲常平倉積穀。

### 中華民國十八年

春金華山建徐母賢證廟。並設佛學圖書館。夏大旱。重修夏村河岸及路。田賦一元加征義務教育經費一角八分。

### 中華民國十九年

先年冬有縣府革役李開富綽號李老七。誦惑七都保衛團譁變。並擄去橫船渡槍枝。串同土販地痞。在裏鄉一帶劫掠。於廢歷除夕前二日陷城。經徽屬駐軍追蹤擊散。城未糜爛。冬間省政府改訂本縣行政經費。列爲第三等。月支一千一百九十四元。

### 中華民國二十年

一月設自治區公所。第一區設城內。二區烏石隴。三區七都。四區雷湖。五區七里。並於鄉鎮設鄉鎮公所。區設區長一人。區員二人。區丁四人。經費除桐子捐七百元外。隨田賦每條畝附征二角二分。二月一日全國裁撤釐金稅局卡。洪楊以來之稅政自此廢。舉辦營業稅以抵補。本縣年額一千五百元。凡按營業收入課



## 中華民國二十一年

征者爲千分之二。按資本額課征者千分之二十。由青石營業稅局稽征之。廿四年改設地方稅局主管。改人民自衛團爲保安隊。計官佐九人。士兵一百二十人。經費每年爲一九，五〇〇元（隨田賦征保安隊附加一三，一二三元）。支經常費一六，五一二元。餘爲備用費。廿二年改編爲第八行政督察區獨立中隊。計一中隊。一特務排。一獨立排。改地方財政管理處爲財務委員會。直屬於縣府。由縣長就各法團及城鄉士紳中遴選委員。田賦每正稅一元加征省築路基金一角。

增設縣立第二小學于橫船渡。改區公所爲地方自治協會。未幾復舊。是年民政廳調查本縣戶口田地生產及教育經費如下。本縣共九，五五六戶。四八，四〇三人。男二六，六三一人。女二一，七七二人。土地面積四，六一〇方里合畝積二，四八九，四〇〇畝。內計耕地原額總數六七，一九四畝。分熟地四三，五一五畝。荒田二三，六九七畝。估計年產稻米九六，〇〇〇担。小麥二，五〇〇担。菜籽一，三〇〇担。黃豆六五〇担。大麥二五〇担。山芋一六〇〇。應徵田賦總數二一，〇〇九元。附加三〇

## 中華民國二十二年

〇〇六元。（按附加已超過政府不得逾正稅一倍之明令）。本縣有積穀倉四十所。存穀一，六九〇石。教育經費收入計學產租息一，一四八元。物產學捐一，〇八〇元。各項附加捐一，四〇七元。義教附加四，一四二元。共七，七七七元。支初等教育費五，五二〇元。社會教育費三〇〇元。教育行政費一，六二二元。嗣擴充收入年爲八，二九四元。有小學校十一所。學生五九〇名（共有學童四，〇八九人）。裁公安局併入縣府第一科內。區公所按照剿匪區內制定條例組織。仍分五區。先是每年經費已增至六，九六〇元。隨田賦每元附征二角。

## 中華民國二十三年

春。併縣立第一小學於崇實學校。創辦第三小學於烏石隴。設行政督察專員。本縣屬於第八區。區轄貴池青陽石埭太平至德東流六縣。由貴池縣長兼任專員並第八區保安隊司令。先是已有首席縣長之設置。茲改置之。舉辦保甲制度。戶設戶長。十戶爲甲設甲長。十甲爲保設保長。編壯丁隊。自治經費改隨田賦每條附加二角。縣共壯丁一一，三一一人。編隊五，九二七人。夏大旱。二月不雨。秋收不及五成。邑人組織旱災委員會。本縣自

洪楊以來。官紳例不報災。有之自今年始。築股屯公路（嗣改省屯路）。由青陽經琉璃嶺。嶺已鑿平。無復昔日之壯峙幽靜。入本縣境。渡永濟橋。經穰溪往太平。土基之在縣境者。歸地方担任。隨田賦附徵（派九萬餘工又每條附加三角）。設長途電話於縣府及各區鄉鎮。改教育局爲縣府教育科。六月赤匪方志敏股由贛竄入祁門。陷本縣之雷湖、城安、余溪、七都等處。九月縣城危。省特務營來剿。匪他竄。得免陷落。十二月行政專員駐縣督剿。修繕城垣。四鄉築礮寨。匪陷六都及青陽之陵陽鎮。十七日縣城四面被困。十九日阮王兩旅兜剿。匪退七都境外。四區區長孫文炳被害于雷湖。各鄉人民死者五百餘人。省籌振會聘邑人徐平軒國治爲首席委員。省振本縣稻三百石米四百石。爲普及教育起見。於城內及鄉鎮設短期小學。文碩與陳棟存所編本縣山川志稿印行。

## 中華民國二十四年

一月。上海旱災義振會急振本縣四千元。省先後振縣一千元。米一千六百石。旅京平津蕪同鄉捐一萬二千元。設農貸平糶處。在滬購洋米五千餘石。以汽車運縣。省蠲縣上年田賦二成。八十

## 中華民國二十五年

八師駐縣剿匪。生擒匪首方志敏于懷玉山中。本縣匪勢稍殺。

邑人張楚(字寓鋒)翻印姚子莊輯修縣志。並刊印董海成輯稿與石瑤燦續輯於北平。

編壯丁巡查隊。增加快鎗四百餘枝。在田畝上徵隊費。(有每畝徵生產捐二角五分者東佃各半。有每戶月徵三角至一元者)改區公所爲區署。改劃五區爲三區。一區在縣城。二區七都。三區橫船渡。省合作委員會派指導員來縣指導農民組織合作社。本縣之有合作社自此始。地方財政正式列入縣預算內。又在田畝上派徵積穀。以三年爲期。各縣添設農倉。本縣派設二倉。容量一萬石。爲農民抵押之用。



Handwritten scribbles and faint markings at the top of the page.

21